



Life+ 2010 -fidnu doarju giljobačča suodjaleami




Davviriikkain measta juo soga-huvvan ja máilmmiviidosatge áittavuloš, ráfáidahtton giljobaš (*Anser erythropus*) besse davvi guovlluin Davviriikkain gitta nuorttimus Sibirjái. Davviriikkain giljobačča bessenguovllut leat jalga duoddaris, muhto nuorttalabbos Ruošša bealde dát šládja besse lagamusat duoddara ja goahcevuovddi molsašuvvanavádagas.

Vel čuohti jagi dassái Davviriikkain bessejedje duháhiid mielde giljobašbárat, ja giljobaš lei Davvi-Sámi

dábáleamos čuonjá. Nuppi máilmmisoadi manjá giljobaččat vátnugohte sakka ja dán áigge dat leat oalle unnán, go bessejeddji bárat leat Davviriikkain šat dušše sullii 20. Stuorámus áitta giljobažžii lea meahcebivdu. Suomas giljobaš lea manimuš áicovuvvon bessemin 1990-logus, muhto ovtat bárat sáhttet besset riikkas ainge. Áibbas manimuš jagiin Davviriikkaid giljobašnállu lea áhtan riikkaidgaskaš suodjalandoaimmaid vehkiin ja lea vehá lassáneamen, ja šládja máhccan Suoma fásta bessejeddji šládjan lea doaivumis.

Dovdomearkkat

Rávis giljobačča earuha dábálaš čuotnjágis ja ránesčuotnjágis das go dat lea unnit, ja das lea vilges gállu ja čáhppes čovjestábit. Buorre čovggas ja lahka geahčadettiin oidno maiddá giljobačča fiskes čalbmeriekkis. Giljobačča gállu lea ceakkus ja njunni lea oanehaš ja šerres čovgesruoksat. Nuorra lottis gállodielku ja čáhppes čovjestábit váilot, nuba dan lea váddásut earuhit čuotnjágis ja ránesčuotnjágis.



Ránesčuonjá
(*Anser anser*)

Táigáčuonjá
(*Anser fabalis fabalis*)

Duottarčuonjá
(*Anser fabalis rossicus*)


Oanehisnjunčuonjá
(*Anser brachyrhynchus*)

Stuoragiljobaš
(*Anser albifrons*)

Giljobaš
(*Anser erythropus*)



Giljobaš



Oanehisnjunčuonjá



Stuoragiljobaš

GOVAT: JARI KOSTET

Girdi giljobačča dovda buoremusat unnivuodas, gállodielkkus, čovjji doarresstábiin sihke čohkkes ruškes oaivvis ja oanehis čaabáhis. Buorre dovdomearka lea maiddái jietna, mii lea alit ja čohkalut go eará čuotnjágiin.

Bárbmojohtima áigge Suomas deaivá ain dávjjibut ráfáidathton **oanehisnjunčuotnjága**, mii lea dušše vehá stuorábuš go giljobaš. Dan njunni lea čáhppat earret unna čuvgesrukseslágan dilkkoža njuni gasku. Oanehisnjunčuotnjágis váillot giljobačča čáhppes čovjestábit. Eará ráfáidathton čuotnjágiin **stuoragiljobaš**

sulastahtá vilges gálluinis ja čáhppes čovjestábiidisguin sakka giljobačča, muhto dan gállodielku ii ole oaivečohka ala ja fiskes čalbmeriekkis váilu. Stuoragiljobaš lea maiddái stuorábuš go giljobaš.


LIFE+ 2010 -fidnu giljobačča suodjaleami várás

Meahciráđdehus lea fárus EU ruhtadan LIFE+ 2010 fidnus, mii geahččala geahpedit Fennoskandia giljobaččaid muosehuhttimiid dálveorrunguovlluin ja bárbmojohtima vuoiñastansajiin (*Safeguarding the Lesser White-fronted*

Giljobašáiccut

Don sáhtát sáddet iežat áiccuid giljobaččas dahje dakkárin navdovuvvon lottiin ja maiddái iežat gullan boares dieđuid Meahciráđdehussii Tuomo Ollilai GSM 0400 241448 dahje tuomo.ollila@metsa.fi.

Goose Fennoscandian population in key wintering and staging sites within the European flyway). Suoma lassin fidnus leat fárus Greika, Bulgária ja Ungár sihke Norga LIFE-fidnu olggo-beale riikan. Suomas diehtjuohki miin geahččalit lasihit bárbmojohtima áigge vuoiñastansajiin Mearrabadaš ja Davvi-Sámi vejolaš bessenguovlluin johtti ja meahcásteaddji olbmuid dieđuid giljobačča birra ja dan suodjaleami dárbbus. Dasa lassin guovlluin geahččalit geahpedit headušteami.



The LIFE+ Nature Project “Safeguarding the Lesser White-fronted Goose Fennoscandian population in key wintering and staging sites within the European flyway” (LIFE+10 NAT/GR/000638) is coordinated by the Hellenic Ornithological Society, from 2011 to 2016, in collaboration with the Forest Research Institute of the Hellenic Agricultural Organisation “Demeter”, the Ministry of Environment, Energy and Climate Change – Greece, the Bulgarian Society for the Protection of Birds (BSPB), the Hortobágy National Park Directorate – Hungary, UNEP/ African – Eurasian Migratory Waterbird Agreement Secretariat (AEWA), WWF Finland and the Natural Heritage Services of Metsähallitus – Finland, with the financial support of the European Commission and the co-financing of the Directorate of Nature management of Norway.

Proševtta neahttasiiddut (eangalsgillii): wwf.fi/lwg

 **METSÄHALLITUS**